

379

81

DEO OPTIMO MAX.

UNI ET TRINO,

VIRGINI DEI - PARÆ, ET S. LUCÆ  
Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBETARIIS DISPUTATIONIBUS,  
manè discutienda, in Scholis Medicorum, die Martis vigesima-  
secunda mensis Martii, anno Domini M. DCC. XLVI.

M. PETRO ARCELIN, Doctore Medico,  
Præside.

*Utrum Ani fistula ferro tutius quàm Causcicis aut ligaturâ curetur?*

I.

**A**NUS est extremum inferius intestini recti. Triplici instructus est musculo: ho-  
rum unus, ab officio, constrictor sive sphincter Ani dicitur: ab inferioribus  
ossis sacri vertebrae enatus podici circumducitur: ossibus coxendicis per ligamenta  
membranacea lateraliter alligatur: antè vesicæ urinariæ per fibrosos nexus, in fe-  
minis collo uteri per proprios hujus musculos adhærescit. Superiori parte crassius est,  
tenuior inferiori, quâ cuti inferitur & firmiter connexus est. Dicatur hic unus aut  
triplex musculus, nihil ad rem. Anum claudite facies injussæ excernantur. Reliqui  
duo musculi levatores Ani appellantur, Originem habent utrinquè à parte internâ  
& laterali ossis ischii, & quandoquè pubis, desinunt in Ani sphincterem. Il muscu-  
lum constrictorem, qui ad inferiora plus minùsve detruditur, prout majori vel mi-  
nori conatu egeruntur excrementa, sursum retrahunt in locum pristinum. Arterias  
& venas ab Iliacis internis habet podex, quæ ob id hæmorrhoidales audiunt, quòd  
non rarò per Anum cruor effluat. Qui in venis hæmorrhoidalibus continetur sanguis,  
facile lentescit, spissescit, corrumpitur. Plures inter alias causas, compressionem co-  
gitabis, tum ab induratis fæcibus, tum ob sessionem aut equitationem diuturniorem.  
His annuera casum, ictus queis supervenit contusio. Anus igitur tumoribus & abs-  
cessibus valdè obnoxius cognoscitur. At aliquandò dysenteria, tenesmus, alvi flu-  
xus diù permanentes aut præpostè suppressi, sæpissimè hæmorrhoides cæcæ, dolen-  
tes, non ritè fluentes, aut legitime fluentes perperam siccant, abscessus generant,  
horum soboles fistula. Id nomen est ulceri alto, angusto, calloso, pus fundenti,  
copiosum si ex pluribus partibus deducatur; album, leve, si musculos tantum per-  
roserit: *At ex nervoso loco coloris quidem ejusdem, sed tenuius & minus: ex nervo, pin-  
gue & oleo non dissimile.*

Cels. L. v.  
C. XXVII.

A

**A**NI fistulæ, sede, facie, formâ, indole, inter se differunt. Intestinum rectum aliquandò ejusque musculos afficiunt, atque ultra trium digitorum altitudinem perreptant. Aliàs in margine podicis consistunt. Aliàs ab intestino secedunt usque ad os sacrum, coxas, femora, velicam ipsamque penis radicem spatiatæ, gyros revolvunt. Simples modò, modò plures observantur cuniculi. Triplex ergò fistulæ Ani species. Nunc foris impervia intestinum perforat. Nunc margine podicis perforatâ integrum remanet intestinum. Nunc intus hiât & forinsecus. Fistula intestinum duntaxat perforans, externò expers ostio his signis innotescit: partes finitimæ tumescunt, inflammantur, dolent, indurescunt, pulsatione exercentur, quandoque dysuria vel stranguria præit; dein suppuratione peractâ, fæces pure aspersæ egeruntur, pruritus in sphinctere Ani molestus est, tandem aliquid asperi, digito in intestinum immisso, perlescitur. Fistula foris & internè hians non solùm puri, sed & flatibus exitum præbet. Fistula externè aperta, internè verò oclusa specilli ope distinguitur, specillum enim certior fistulæ sedis indagator. Specillum in fistulam, digitus oleo illitus in Anum immittuntur, ut altitudo fistulæ, ejus incessus, hiatus explorentur. Hâc viâ fistulam secundùm intestinum irrepere ipsumque perforare, vel ab ipso recedere ac vagari; simplicem esse aut cuniculos agere faciliè deprehenditur. Quâ fit ut prognosis & curatio varia instituenda sit. Veterem fistulam liberè pus emittentem, parùm asferentem incommodi, valetudini non adversari, quin etiam conducere experienciâ diffidentem est. Si altius excurrat fistula, vesicam, ischion, os sacrum pertingat, aut medios Ani musculos transgrediatur, cura, quàm vulgò *palliativam* vocant, adhibenda. Quid ita? invita alvi defectio succederet, sinibus profundioribus, cariei ossium mæderi nequiquàm posses. Tunc universalibus præsidiiis in usum vocatis, ægrum Naturæ committere juvat. Cæterarum podicis fistularum curationem aggredieris? hanc perficies ferro tutius quàm causticis aut ligaturâ.

**I**N hoc tota posita est Ani fistulæ curandæ ratio, ne plus minùse quàm par est illa aperiatur, ne partes sanæ frustra discerpantur, aut ulcerosæ & callosæ intactæ remaneant. Quidni huic aperturæ faciendæ *escharotica* usurpentur? vehementioribus enim aut mitioribus adhibitis, major minorve procreatur *eschara*. Egregium consilium! sed experienciæ & rationi absonum. Quis caustici *energiam* adeò noverit, ut ejus effectus suo arbitrio componere valeat? Cordatus Medicus validiora aut mitiora æqualitèr exhorrescit: ut hæc muneri proposito imparia, illa nimis corrosionis capacia. Causticum exlex & effrenum nullis regulis subijcitur. Hujus effectus si immodicus, vix ac ne vix quidè coercetur. In variis subjectis partes plus minus dura, magis minùse resistent. Hinc de medicamenti naturâ, indole, dosi, nihil certi habetur. Num *escharotica* fero dissoluta atque ultrâ citràque diffusa, absumendis duntaxat partibus infidebunt? quot & quàm necessariò partes insontes adurentur! At quanto cum dolore! videas homines miserrimos diem integrum, imò diutius immanissimè cruciari, jactari, ejulare. Nequè tamèn forsan adeò reformidanda est strages illa partium innocuarum, quàm timendum est ab iis, quæ dolores invehunt, symptomatibus. Dolor immanis vigilias, vigilix febres, febris phlegmonas, phlegmones convulsionem pariunt, convulsionem non rarò mors excipit. Aliundè quoque discito causticorum pericula. Lethalia sunt à telis venenatis inflicta vulnera. Animalia quorum in vulneribus oleum Tabaci aliudve toxicum instillatum fuerit enecantur. Non-ne spirituosâ, emollientia, narcotica externè admota vires suas exerunt? Cientiâ diutius suprâ regionem cordis gestata, *syncopen* atque *cardialgiam* intulisse

3

narratur ab Authoribus gravissimis. Quorsum hæc? ut intelligas caustica ad aperiendam fistulam applicata suis tetrīs *miasmatis* totam corporis œconomiam posse pervertere. Sed ad callum absumendum quàm ineptè caustica usurpantur! Quis nescit causticum etiam parti sanæ applicatum *escharam* facere? sed si parti callosæ? decideret *eschara* quidem, at subjectis partibus remanebit durities. Huic absumendæ novum applicatur causticum: exindè novus callus eodem semper modo tollendus & renovandus. Hinc in annos non rarò torquentur ægri cruciatibus teterrimis, qui causticorum actionem expertes penè doloris passuros se putaverant. Quid de carunculis fungosis queis ortum præbent etiam caustica? Quis verò nescit partes breviori temporis spatio, longèquè minori dolore incidi, quàm aduri? ferrum oculum dirigit nè longiùs quàm par est vagetur, nè quid labefactatum relinquat intactum.

#### I V.

**I**NCISIONEM perpeffurus variis præparationibus indiget, *phlebotomiâ*, catharticiſ, diætâ convenienti; alterantibus, si opus est, utatur. Paulo antè operationem alvus enemate ſolvenda & urina emittenda. Faciliùs operaberis, sæcum & urinæ ejectionem prohibebis. Tùm æger pronus lecti ſpondæ decumbat. Clunes porrigat à ſamulis diducendas. Brachia, tibiæ, femora, truncus immota teneantur. In Anum ægri ſic compoſiti, indicem oleo illitum Chirurgus immittit, ſpecillum in fiſtulam foris hiantem inferit, ſpecillo inteſtinum paulò ſupra hiatum fiſtulæ perforat, ſpecillum index in anſæ modum inſectit. Comprehenſa ſpecillo tota fiſtula, foràs lenitèr, ne partes dilacerentur, adducta ſcalpello incurvo circulariter abſcinditur. Cæcam intrinſecùs fiſtulam compleram efficiat inteſtinum ſpecillo perfodens Chirurgus. Hanc attrahat & excidat. Quò pertingat forinſecùs fiſtula quæ tantum perforat inteſtinum, declarat vulgò tumor externus, durus, ſaltèm exiguus; hic aperiendus. Sic patefactâ, quæ ſpecillum admittat, viâ; modum tenes operandi qui ſuperiùs trãditus eſt. Inciſione peractâ, cuniculi, ſi qui ſint, aperiantur, calli amputentur, reſecentur habenule. Cavendum maximè nè ſurculus arterioſus, qui pulſatione facilè diſtinguitur, pro habenulà incidatur. Craſſior turunda oleo & ovi vitello ſimul mixtis imbuta in Anum immittatur; pluribus linamentis eodem liquore tinctis vulnuſ implendum, ſuperpoſito ſplenio emplaſtro obducto, additis linteolis complicatis. Hæc ut firmentur, deligatione indigent. Deligandi modum accipe. Antequàm abſcindatur fiſtula, mantile ſecundùm longitudinem ter quaterve plicatum renes ægri cingat. Cingulum iſtud, linteo ab ægrotantis collo antè & retrò pendentem (*ſcapulare* vocant) utrimque aſſuatur. Mantili verò renes cingenti adhæreat à tergo ſaſcia ſex digitos lata, duos cubitos circiter longa. Hæc apparatus vulnèri applicatum comprehendens ad ſcrotum uſquè adducatur integra: quod reliquum eſt biſidum eſſe debet, ut intra crura excurrens, cum renum cingulo, de quo dictum eſt, antrorſum firmiter, connectatur. Poſt diem integrum primus ſolvitur apparatus. Turunda & linimenta baſamo *Arcaei* & unguento Baſilico, aut ſimilibus Pharmacis deinceps oblinantur. Pure albo nec gravè-olente exiſtente, renatiſque, quantum demptum eſt, genuinæ indolis carnis cicatrix unguenti pompholygos ope inducatur. Vulnuſ eò citiùs ſanatum iri exiſtmes, quò diætâ tenuiori toto curationis ſpatio uſus fuerit ægrotans.

#### V.

**A**GE nunc. Quid verearis ab exciſione fiſtulæ; num hæmorrhagiã? at nulla eſt ſæpiſſimè; ſi quæ tamen, facilè compellitur. Cùm amputatur mamma, plures ſimul ſecantur arteriæ: Nùm ab hâc operatione deterret hæmorrhagiæ metus?

4

linamento solo fistitur fluxus sanguinis. Nequè eodem periculo, si quod imminet, vacat causticorum usus. *Eschara* quidem ab iis inducta omnes valorum hiatus occludit; eadem decedente nonnè rursum dehiscunt vasa? hinc obsolevit ferro candenti sanguinem cohibendi consuetudo. At saltè, inquit causticorum Patroni, ostium fistulæ cum forinsecus non satis patescit, leviori caustico ampliandum est. Quidni ferro potius: si ferrum adeò reformidet æger, spongia præparata in fistulam immissa, imbibito succo tumefacta paulatim ostium fistulæ dilatat. Verùm cum majori dolore & tædio. Potior est dolor acutus qui brevi pungat, quàm levis qui diù molestus sit. Quare non audiendi sunt qui fistulam filo serico, vel setâ equinâ vinciendam & de die in diem constringendam donec secetur, prædicant. Isthæc operatio eò crudelior quò longior; insuper nec expers est periculi. Si filo secentur vasa sanguinea, à constrictione superfedas oportet, & hæmorrhagiæ occurras. Quòd si hoc non eveniat incommodi, doloremque ferat æger constanter, improbanda tamèn illa: ad curationem enim fistulæ, non ipsa tantum sed cuniculi, si qui sint, aperiendi, habenule & callosa substantia excidenda. Hæc vinculis illis nullo modo, causticis difficulter admodum, ferro facillimè perficies.

*Ergò Ani fistula ferro tutius quàm causticis aut ligaturâ curatur.*

## DOMINI DOCTORES DISPUTATURI.

*M. Antonius Bergier.*

*M. Carolus-Francisus Eontigny  
Des Preaux.*

*M. Francisus Pouffe.*

*M. Jacobus-Francisus le Chat  
de la Sourdiere.*

*M. Petrus Lalouette.*

*M. Thomas-Bernardus Bertrand.*

*M. Joannes Francisus Ifer.*

*M. Sylvester-Antonius le Moine.*

*M. Camillus Falconet, salubris  
Consilii Regii Socius & à Re-  
giâ Inscriptionum & Numis-  
matum Academiâ.*

Proponebat Parisiis DIONYSIUS-CLAUDIUS DOULCET, Parisinus;  
Saluberrimæ Facultatis Medicinæ Parisiænsis Baccalaureus,  
A. R. S. H. 1746, à sextâ ad meridiem,

---

Typis QUILLAU, Universitatis & Facultatis Medicinæ Typographi, 1746,